

## Comment. In Daniele

¶ *Et fecit medium fornacis quasi ventum torus flantem.* Poterat Deus efficere, ne in foracem hi tres pueri mitterentur. Sed maius ac mirabilius beneficium fuit in eam mitti, sed ab igne nullo modo lædi. Eodem modo potest Deus facere, ne viri iustitia & pietate præstantes incidant in calamitatem, at multo illustrius & præstantius beneficium confert in illos, cum affligi permittit, sed illis patientiam & gratiam largitur, ne à calamitatum flammis offendantur. Vilius est tolerantiam habere in ærumnis, quam ipsis liberari. Ac ut verbis utar diu Augustini: Diuina bonitas ideo maximè irascitur in hoc seculo, ne irascatur in futuro, misericorditer temperalem adhibet severitatem, ne æternam iustè inferat. Hæc ille. Ex quo colliges vtilis esse tyrannos, quorum immanitate piorum patientia exercetur. Ut hyenæ fel, & aliæ ferarum venenatarum partes aduersus graves, periculosos, ac diuturnos morbos vim habent, illoque depellunt, sic crudelium tyrannorum immanitas, & flagitiosorum hominum fraudes & malevolentiz remedia sunt aliquando multis incommodis salutaria, quibus Deus vritur, ut multorum ægri tudinibus animi medeatur. Et ut nulla medicamenta quæ vulneribus adhibentur, tam acerbum afferunt dolorem, quam quæ sunt salutaria, sic impiorum malicia & calliditate, quibus viri pii maximè torquentur, admirabilem illis cælestis medicus adhibet medicinam. Aspicias hoc loco, quam vtilis fuerit tribus pueris tyranni, & satellitum eius immanitas, qui ad Deum ardentè aspirarunt in calamitatibus suis, à quibus fuerunt mirabiliter liberati. Sed querunt hic nonnulli, quomodo flamma ignis his pueris non nocuerit. Respondendum puto, in circuitu fornacis per orbem esse flammam, quæ illis introeuntibus vincula dissoluit & consumpsit, ait enim hoc loco scriptura, eos ambulasse in medio ignis ardentis. At in medio magnæ illius fornacis ubi ipsi ambulabant, non erat ignis, quia ut hic ait Daniel, excussit eum angelus de fornace, sed erat singularis ac tucunda refrigeratio, & lenis ac placidus

aure flatus, & quasi zephyrus suauiter spirans, quem Latini fauonium vocant. Id factum fuit angeli ope, sed præcipue diuina virtute & voluntate. Sunt tamen, qui asseueranter affirmant fuisse etiam in medio fornacis ignem, nec fuisse exclusum, nec extinctum, nisi quod ad eius actionem quæ suspensa fuit à corporibus puero- rum. Nam etsi ignis eos tangebat corporaliter, non tamen physice, vt eorum utar verbis, quia actionem in illis non exercebat. In hac sententia est Albertus Magnus, quem sequitur Dionysius Carthusianus eius imitator. Vtraque opinio est probabilis, prior tamen videtur literæ conuenientior.

Albert.  
Dionys.

August.

Similitudo.

Similitudo.

*Benedictus es domine Deus patrum nostrorum, & laudabilis, & gloriosus, & super exaltatus in secula. Et benedicti nomen gloriæ tuæ sanctum, & laudabile, & super exaltatum in omnibus seculis. Benedictus es in templo sancto gloriæ suæ, & super laudabilis, & super gloriosus in secula. Benedictus es in throno regni tui, & super laudabilis, & super exaltatus in secula. Benedictus es in firmamento cæli, & laudabilis & gloriosus in secula.*

¶ *Benedictus es domine.* Plena sunt verba hæc ardentissimo erga Deum amore, quo incensi hi tres viri ob innocentiam pueri nuncupati querunt nomina, quibus possint Deum mirificis laudibus celebrare. Eam ob causam eum vocant benedictum, laudabilem, gloriosum, super exaltatum in secula. Appellari Deum benedictum frequenter inuenies in literis diuinis. Psalmo quadagesimo: Benedictus dominus Deus Israel à seculo, & vsque in seculum. Psalmo centesimo trigesimo quarto: Benedictus dominus ex Sion, qui habitat in Ierusalem. Lucæ primo: Benedictus dominus Deus Israel, quia visitauit, & fecit redemptionem plebis suæ. Chrysostomus in Genesim summam esse omnium bonorum ait esse benedictum. At hi tres pueri non contenti Dei gloriam & dignitatem hoc tantum attributo

Psal. 40.

Psal. 134

Luc. I.

Chryf.